

民國佛教期刊文獻集成


任繼愈題



民國佛教期刊女獻集成

任繼愈題

第8卷



佛學旬刊
佛心叢刊
內 學

中國書店

中華郵政特准掛號認爲新聞紙類

第一一九九期

佛學 旬刊

佛曆二九四一年九月廿九日出版
中華民國三十四年九月廿九日出版

訂報價目

零售	每册	銅元三十文
一月	三册	銅元九十文
半年	十八册	銅元五百文
全年	三十六册	銅元一千文
郵費	國內每册	一分
	國外每册	二分

佛法非宗教非哲學出版

佛法非宗教非哲學一書，是歐陽竟無先生在南泉高師哲學研究會演說的，乃最近佛法中最有價值的一篇著述。爲研究佛學哲學的、不可不看的書！每本取工本洋五仙、省外加郵費一仙。

公同佛經流通處啓

佛學旬刊第一年第十八期要目

▲祝詞

祝詞一

釋紫量

祝詞二

釋光月

祝詞三

蔣陳女士

祝詞四

蔣青蓮

▲論說

佛學之宗派「賢首宗」

（續）

聖譯

▲新聞

武昌佛學院立案文

流通處設立戒沙班

湖南成立佛學會

星期日講梵網經

▲名賢言行

谷祥禪師

戒清

大心

法雲

知幻

知幻

▲事件

湖南佛學社募捐啓

佛經流通處 梵網經 心地講品

主講 德善法師

日期 舊曆九月初十日起

時間 每星期日午前十鐘起十二鐘止

報名 本處經坊

佛經流通處 楞嚴經 講開

楞嚴經

（講師）劉沐源先生
（期間）七月廿七日起
（時間）每星期日午後四鐘起六鐘止
（報名處）本處經坊
（收費）茶水紙張費
銀五角

▲祝詞▲

●祝詞一

娑婆世界。國土穢惡。剛強衆生。難調難伏。惟我世尊。甚難希有。應化娑婆。說法四九。時當末劫。大法銷沉。邪說紛披。挽救何人。善哉諸公。秉奉佛道。靈山授記。守護正教。秉智慧弓。令魔競藏。滅煩惱火。使得清涼。未種善根。令彼種下。已種善根。廣令增大。佛學旬刊。以廣傳化。發海潮音。振四天下。一切衆生。共同受教。咸悟覺性。證無上道。

昭覺蘭若釋紫量恭祝

●祝詞二

吁嗟五大洲。立教止天堂。惟佛具大慈。高登寂滅場。毫端吞四海。一念統八荒。惟佛具大慈。憎愛不計量。轉妄歸真際。置人安隱鄉。惟佛具大悲。苦海之舟航。臂稱窮餓肉。身供餓虎糧。惟佛具大雄。能伏衆魔王。九十六外道。邪猷盡潛藏。聲教流東土。正法熾而昌。六朝唐宋間。十宗共闡揚。法寶如千日。大地沐恩光。晉然大明燈。燈燈

互相照。三乘頓漸分。淺識難躋奧。衆牛獲摩尼。慧命同相造。獨惜有凌夷。今日末劫到。外道勢猖狂。邪言迷覺妙。排斥因果無。輪迴莫償報。竟使文化邦。道德爲之掃。業感諸波旬。混混互相鬧。欲海漸安深。沉淪無老少。善哉 諸大哲。堪喻古維摩。一默如雷吼。河山響應多。講堂宣勝義。不亞昔祇陀。夙懷大願力。振破愛河波。佛學以旬刊。迦陵處處歌。出廣長舌相。仙音遍娑婆。高踞黃金塔。喚醒衆邪魔。廣爲施甘露。以起衆沉痾。前則繼千古。中興大禪那。後則開萬代。微妙奢摩他。我乃空桑客。勝會洵可樂。染翰忘謝陋。歡忻祝以歌。

昭覺蘭若學人釋光月敬祝

●祝詞三

內典諸藏。希有祕意。罕識妙諦。曲學熾昌。幸諸大覺。同示周行。大事因緣。演繹精詳。貧子得寶。嬰孩見娘。干戈玉帛。五濁蓮邦。無量壽命。無量威光。西望頂祝。一瓣心香。阿彌陀佛。喚醒十方。簡陽三星鎮靈泉精舍淨業弟子蔣本陳恭祝

●祝詞四

俯仰危局。荆棘蔓滋。天災人變。老壯流離。誰有大士。誰運大悲。法演微妙。臺起江湄。蓮花舌燦。法螺聲吹。喚醒羣迷。功德顯丕。願諸有情。迴趣宏規。毒消怨弭。化險爲夷。竿頭更進。極樂奚疑。至哉旬刊。遙祝化儀

簡陽三星鎮靈泉精舍淨業弟子蔣青蓮恭祝

論說

●佛學之宗派

▲賢首宗

續前

聖譯

大能依觀法。門有十重。

(第一)真空絕相觀。於中略開四句十門。第一句會色歸空觀。復開四門。一色非斷空。二色非真空。三色空非空。四色即是空。第二句明空即色觀。亦有四門。一空非幻色。一空非實色。三空非空色。四空即是色。第三句空色無礙觀。第四句泯絕無寄觀。前四句中。初二句八門。皆揀情顯解。第三句一門。歸終趣行。第四句一門。正成行體。由解成行。行起解絕。

(第二)理事無礙觀。通有十門。一理遍於事。二事遍於理。三依理成事。四事能顯理。五以理奪事。六事能隱理。七真理即事。八事法即理。九真理非事。十事法非理。

上之十義。同一緣起。約理望事。有成壞卽離。約事望理。有隱顯一異。逆順同時。無礙自在。一具十爲總。十非一爲別。互不違爲同。各無濫爲異。衆成就爲成。住本位爲壞。然上十對皆悉無礙。今且約理事以爲之顯耳。

(第三)周遍含容觀。略開十門。一理如事法。二事如真理。三事含理事。四通局無礙。五廣狹無礙。六遍容無礙。七攝入無礙。八交涉無礙。九相在無礙。十普融無礙。以上十義。宛轉相生而成十門。初二門卽爲總意。能成後之八門。猶兼理事無礙。有此二故。得有事無礙之義。屬事事攝。華立云。理隨事變。一多緣起之無邊事得理融。千差涉入而無礙。卽周遍觀之奧旨。此立二觀之大略也。

他如六相十立四法界十因緣等。亦如宗要義。請再分別言之。

六相者。一總相。二別相。三同相。四異相。五成相。六壞相。總相者。一含多德故。別相者。多德非一故。同相者。多義不相違故。異相者。多義不相似故。成相者。由此諸義緣起成故。壞相者。諸緣各住自性。不移動故。亦可總則攬別而成總。別則分總而爲別。同則別別帶總。異則別別互乖。成則雙攬同異方成。壞則唯別各住自性。若喻

說者。色受想行識五陰。總爲一人。名總相。五陰各別非一。名別相。五陰因緣和合。同成一人。名同相。五陰中色非受想。名異相。一人身中。攬五陰因緣而得成立。名成相。五陰各各住自法體。名壞相。此六相之大略也。

十立者。古德準周遍觀中十義。重開爲十重立門。一者同時具足相應門。如海之一滴。具百川味。二者廣狹自在無礙門。如一尺之鏡。見千里影。三者一多相容不同門。如一空千燈。光光涉入。四者祕密隱顯俱成門。如秋空片月。晦明相並。六者微細相容安立門。如琉璃之瓶。盛名芥子。七者因陀羅網境界門。如兩境互照。傳輝相寫。八者託事顯法生解門。如擎拳豎臂。觸目皆道。九者十世隔法異成門。如一夕之夢。翱翔百年。十者主體圓明具德門。如北辰所居。衆星皆拱。此十立之大略也。

四法界者。未明理事。不說有空。直指本覺靈源。故曰一真法界。從一真法界。分出理法界。事法界。理事無礙法界。事事無礙法界。法以軌則爲義。界以性分爲義。此真空軌則之法。在理爲理法界。在事爲事法界。在理事爲理事無礙法界。在事事爲事事無礙法界。理法界者。謂諸衆生色心等法。雖有差別。而同一體性故。事法界者。謂諸衆

生色心等法。一一差別。各有分齊故。理事無礙法界者。謂理由事顯。事攬理成。理事互融故。事事無礙法界者。謂一切分齊事法。稱性融通。一多相即。大小互容。重重無盡故。此四法界之大略也。

十因緣者。

(第一)惟心所現。謂一切諸法。真心所現。以一切法無非一心。故大小等相。隨心迴轉。卽入無礙。

(第二)法無定性。謂既唯心現。從緣而生。無有定性。性相俱離。

(第三)緣起相由。謂大法界中。緣起法海。義門無量。

(第四)法性融通。謂若唯約事。則互相礙。不可卽入。若唯約理。則唯一味。無可卽入。今則理事融通。具斯無礙。

(第五)如幻夢事。謂如幻師。能幻一物以爲種種。幻種種物以爲一物等。言如夢者。如夢中所見廣大。未移枕上。歷時久遠。未經斯須。

(第六)如影像現。謂一切萬物。略有二義。(一)皆如明鏡。含明了性。一心所成故。(

二)分別所現。如影像故。由初義故爲能現。由後義故爲所現。

(第七)因無限量。謂諸佛菩薩。昔在因中。常修緣起無性等觀。大願迴向等。稱法界修。及餘無量殊勝因故。今如所起果。具斯無礙。

(第八)佛果證窮。謂由冥真性。得如性用。是故一切一切。無所障礙。

(第九)深定大用。謂彼海印定等諸大三昧力故。今於小處而現大法。無礙自在。

(第十)神通解脫。謂由十通及不思議等解脫力故。小處現大。皆無障礙。

以上十類。隨舉一因。即能令彼諸法混融。無礙自在。下中前六。過約法性。爲德相因。後二皆是業用。義通因果。約起修。義通德相業用。八約果德。唯是德相。此十因緣之大略也。

綜而論之。此宗法門。以行布圓融。自在無礙爲究竟。說行布法。雖教相差別。說圓融法。則性相無礙。和即是性之相。故行布不礙圓融。性是即相之性。故圓融不礙行布。圓融不礙行布故。則一爲無量。行布不礙圓融故。則無量爲一。無量爲一。則融通隱隱。一爲無量。則涉入重重。圓融即在行布之中。行布即在圓融之內。智眼觀之。行布

圓融。皆假名耳。但漸教人作行布觀。頓教人作圓融觀。圓教人作無礙觀。又初心者行布觀。久修者圓融觀。後心者無礙觀。又根鈍者行布觀。根利者圓融觀。根熟者無礙觀。所修不同。皆隨機而異。在法界觀非有別也。今將源流世系。列圖如左。

(中國初祖)

馬鳴菩薩——龍樹菩薩——終南杜順——雲華智儼——賢首法藏——清涼澄觀——圭峯宗密

新聞

○武昌佛學院立案呈文

爲創辦學院。宏揚佛化。呈請轉咨立案事。竊維牟尼度世。說法四十九年。阿難傳經。結集一十二部。隨時隨事。契理契機。稱人天師。爲世間解。詮法界真宗。豎絕始終而橫超內外。闡教乘妙旨。大包天地而細入塵毛。是以釋迦掩室於摩竭。淨名度口於毗耶。空生無說以顯道。天帝泯聽而雨花。要皆理爲卿御玄之又玄。智證真如。得其無得。一心直指。貫包孔老諸子之全。萬法唯識。又盡哲理科學之妙。赫胥黎以天演名。家尙知談理以來。未有如佛。斯賓塞爲進化論主。亦稱東方聖者。真能化人。卽微聖

諦單論人乘。守戒行施。已非共產互助之所喻。除惡修善。又豈刑齊政道之所能。曰利實以利他。出世原爲入世。在彼一孔之儒。輒以寂滅無爲稱佛教。豈知五乘之法。實以慈悲救世爲本衷。是故日本以尊信佛教而勃興。印度以轉崇外道而淪滅。則其關係於學術之偏全。國運之隆替者爲何如乎。溯自周昭王祥徵光相。知聖人示化於西方。漢明帝夢入金身。遣使者求經於天竺。肇厥漢晉。下及隋唐。佛化之興。亘古無比。自宋儒竊釋家性理以歸儒。託孔家倫理以拒佛。致佛儒交敵。正法寢微。降至清季漸被歐風。招提動爲褻奪。僧伽不齒齊民。近更人慾橫流。禍機四伏。唯物之論愈昌。逐物之心益熾。五陰糾結。吾欲紛乘。竭生產常率不足供貪侈之需求。講生計問題。更足爲鬥瞋之導線。强者暴者恃力劫財。懦者弱者倡言均產。物質文明。其結果不過釀成歐戰。社會主義。縱成功亦將等於曇花。總之我執未除。遑言救世。塵迷不破。安睹樂邦。歐人士痛槍林彈雨之餘。覺捨本逐末之妄。因探哲理。上溯釋宗。紐約大開莊嚴之會。研究佛乘。英美亦遣宏碩之儒。繙譯內典。矧我震旦承西土唯一之大乘化。稱世界第二之佛教國。豈忍見天地晦沉而不爲迷津指導哉。惟是甚深至教。非

井窺難測所能知。大演圓音。豈涉躡淺嘗而能任。鄉銘等。仰報佛恩。醵籌經費。在武昌湘門內。黃河灣第十六號。創設佛學院一所。池林鳥樹。雖不及祇園之精。教授軌儀。期不失靈山之舊。暫設修學科。以通佛教各宗之郵。兼設講習科。以闢專一人門之路。并擬隨時添設各專宗大學及研究部。以資探造。總期成就有人。宣傳可託。庶慈悲喜捨。挽沉迷不返之人心。開示悟入。見本來皆具之佛性。則豈僅家國蒙和平之休。亦令宇宙啓清寧之紀。所有創設學院宏揚佛化各緣由。理合呈請鈞座鑒核准卽轉咨教育內務二部立案。俾學風丕振。進民德於無疆。聖教顯揚。享國權之保護。

詳呈湖北督軍蕭省長劉

○流通處設立戒學班

佛法以三學括盡。三學以戒爲基。捨戒修行。而言修證。無有是處。以故佛經流通處組織戒學班。以爲行者籌備資糧。其法先誦戒。次請師講戒受戒。若有大心凡夫。欲學大乘戒律。以爲妙莊嚴路者。或已受菩薩戒而志切加行者。均請報名列入本班。其應具手續如左。

(一)如發大心願學戒者須先具願書二份一份

佛前發願時焚化。一份留本處存查。(願書式樣緣後)

(二)凡報名者於九月十四日午後二鐘齊集文殊院演習禮儀。

(三)每月逢十五日。二十日。早七時齊集文殊院誦戒。非有大故。不得缺席。

錄願文式如左

佛弟子 爲自他俱利求學菩薩大戒。以爲後日受戒基礎。今對

佛前殷勤懺悔發四大願

衆生無邊誓願度

煩惱無盡誓願斷

法門無量誓願學

佛道無上誓願成

虛空無盡此願無盡伏乞

三寶慈悲證盟哀憐攝受

中華民國十一年

月

日佛弟子某某謹具

○湖南成立佛學會

頃接長沙函云。該省佛學會。現已組織成立。會所設省城運陞街馬號梓園其暫行簡章如下

(一)名稱 本會定名曰湖南佛學會

(二)宗旨 本會以集合緇白同志研求佛學自度利生爲宗旨

(三)會員 本會會員限於成年之公民惟須得本會會員二人以上之介紹方得入會

(四)會務 本會事務分爲五部

(甲)會務部

(乙)閱藏部

(丙)講演部

(丁)流通部

(戊)編輯部

(己)念佛林部

(五)職別 本會職員如左

(甲)理事四人至十人 (乙)名譽理事無定額 (丙)總務幹事六人 (丁)文牘

幹事三人 (戊)會計幹事二人 (己)庶務幹事一人 (庚)交際幹事無定額

(辛)閱藏等五部各設幹事一人至三人

(六)會金 本會會金分爲四項

(甲)入會金每人一元 (乙)常年費每人每年一元 (丙)月捐每月一元至若干元自由認定 (丁)特別捐隨時募集 (戊)存根收條皆用兩聯單式由會計親填收數署名蓋印若係特別募捐另定辦法

(七)算案 每一年度常年會前由職員會議決用途會計庶務製定算案交大會通過方能有效次期常年會前由職員會審查賬目庶務會計製定決算案開會報告大眾如有疑義駁回得舉定臨時審查員審查之

(八)會期 本會會期分爲四項

(甲)職員會無定期 (乙)常會每月三次 (丙)大會每年一次皆以最多數取決 (丁)臨時會遇有特別事故須得多數同意交由各理事召集

(九)請假 凡職員有事或病必向本會事務所請假以便請人代理而專責成

(十)解職 凡職員以三年爲一任得連任之解職時必先將經手事項或銀錢什物等交代清楚責任方可解除倘有損害或遺失等情必負賠償責任

(十一)會所 暫設湖南省城連陞街馬號梓園內